



Lagt fyrir 419. fund velferðarráðs 19. janúar 2022

VEL 2021110067

RÁ/kg

Svar

Viðtakandi: Velferðarráð

Sendandi: Regína Ásvaldsdóttir, sviðsstjóri

Efni: Svar við fyrirspurn fulltrúa Flokks fólksins um bið eftir þjónustu talmeinafræðinga

Þann 17. nóvember 2021 lagði fulltrúi Flokks fólksins fram í velferðarráði svohljóðandi fyrirspurn um bið eftir þjónustu talmeinafræðinga:

Hinn 1. nóvember 2021 voru 400 börn á biðlista, á bið eftir þjónustu talmeinafræðings. Fulltrúi Flokks fólksins óskar eftir nánari sundurliðun á þessum vanda barnanna og greiningu á tilvísunum eftir alvarleika. Það er sérlega bagalegt að öll þessi börn séu að bíða eftir svo mikilvægri þjónustu. Ef horft er til þeirra barna sem glíma við málþroskavanda þá hafa rannsóknir sýnt að börn og unglingar með málþroskaröskun eru líklegri til að upplifa erfiðleika í félagslegum aðstæðum og eru þau einnig berskjaldaðri fyrir tilfinningalegum erfiðleikum. Á unglingsárunum eykst þörf einstaklinga fyrir náin félagsleg samskipti við jafningja. Slök máltjáning og slakur orðaforði er ein aðalástæða þess að unglingar með málþroskaröskun eru líklegri til að upplifa erfiðleika í tengslamyndun við félag sína vegna þess að tímabil unglingsára er talið eitt það mest krefjandi tímabil í lífi fólks þar sem á þeim árum eiga miklar breytingar sér stað, bæði líffræði-, vitsmuna-, félags- og tilfinningalega.

Svar:

Á síðasta ári samþykkti velferðarráð 140 m.kr. viðbótarfjármagn vegna COVID-19 til að vinna niður biðlista vegna greininga sálfræðinga og talmeinafræðinga. Gert er ráð fyrir að hægt sé að vinna u.þ.b. 650 greiningar á grundvelli þess fjármagns. 1. janúar 2022 eru 265 börn á bið eftir þjónustu talmeinafræðings og því ljóst að nú þegar hafi verið gerðar 135 greiningar af þeim 400 sem bíðu 1. nóvember 2021.

Ástæður tilvísana er málþroskavandi en velferðarsvið þarf lengri tíma til að framkvæma ítarlegri greiningu á þeim börnum sem bíða nú eftir þjónustu talmeinafræðinga.

Framundan er vinna að stafrænum lausnum í tengslum við skólaþjónustu og mikilvægt að hugað sé að þeim tölfræðilegu upplýsingum sem liggja þurfa fyrir hverju sinni, þannig að hægt sé að kalla fram dýpri greiningar á gögnum með auðveldum hætti.